

Pecyn Gwybodaeth Llysgenhadon 2025

Cynnwys:

1. **Cytundeb**
2. **Swydd Ddisgrifiad**
3. **Cyfryngau Cymdeithasol**
4. **Monitro rôl a gwaith llysgenhadon**
5. **Digwyddiadau a dyddiadau pwysig**
6. **Costau**
7. **Cyhoeddusrwydd a lluniau**

Cytundeb (Copi er gwybodaeth)

Darparu Gwasanaethau i'r Coleg Cymraeg Cenedlaethol mewn perthynas â Gwaith Llysgennad

Hoffwn eich gwahodd i ddarparu gwasanaeth i'r Coleg Cymraeg Cenedlaethol. Ar sail llawrydd y byddwch yn darparu'r gwasanaeth hwn i ni.

Ffioedd

£50 bob tymor i'r llysgennad ym mis Ebrill, Gorffennaf, Hydref a Rhagfyr fel tâl retainer.

£84 y diwrnod neu £42 am hyd at hanner diwrnod yn cael ei dalu am waith.

Mae diwrnod o waith yn cyfateb i 7 awr o waith a hanner diwrnod yn cyfateb â 3.5 awr o waith, yn ogystal â chostau teithio.

Statws eich gwasanaethau

Datgenir eich bod yn berson hunangyflogedig heb hawl i unrhyw bensiwn, bonws na chilfanteision eraill oddi wrth y Coleg Cymraeg Cenedlaethol. Cytunir y byddwch felly yn gyfrifol am unrhyw ofynion treth incwm, cyfraniadau yswiriant cenedlaethol a chyfraniadau tebyg eraill sy'n gysylltiedig â'r ffioedd.

Indemniad treth

Drwy hyn byddwch yn atebol ac yn cytuno i barhau yn atebol am unrhyw geisiadau am dreth incwm neu gyfraniadau yswiriant cenedlaethol a wneir i'r Coleg Cymraeg Cenedlaethol gan yr awdurdodau perthnasol mewn cysylltiad â'r gwasanaethau.

Terfyn y cytundeb

Bydd y cytundeb hwn yn dod i ben yn awtomatig ar ddiwedd y cyfnod (31 Rhagfyr 2025), heblaw y caiff eu derfynu yn gynt ac heb rybudd ar sail camymddygiad neu diffyg ymroddiad.

Swydd Ddisgrifiad

Swydd Ddisgrifiad Llysgennad Y Coleg Cymraeg Cenedlaethol

Rydym yn chwilio am fyfyrwyr brwdfrydig boed yn Gymraeg iaith gyntaf neu ail iaith i rannu eu profiadau mewn prifysgolion ar draws Cymru gyfan.

Rydym eisiau eich cefnogi chi er mwyn datblygu sgiliau gwerthfawr i chi all fod o fudd wrth chwilio am waith yn y dyfodol, yn ogystal â chael y cyfle i rannu eich gwahanol brofiadau, ar ein gwefan ac ar y cyfryngau cymdeithasol.

Byddwch yn rhan fawr o'n digwyddiadau marchnata a hyrwyddo rhwng Ionawr a Rhagfyr 2025. Yn ogystal â chynrychioli'r Coleg o fewn eich prifysgol.

Mae'r Coleg Cymraeg wedi ymrwmo i egwyddorion cydraddoldeb ac amrywiaeth ac felly'n annog ymgeiswyr o unrhyw ryw, oedran, anabledd, cefndiroedd Du, Asiaidd a Lleiafrifoedd Ethnig, cyfeiriadedd rhywiol a chrefydd i ymgeisio ar gyfer y rôl o fod yn llysgennad.

Cyfnod gwaith

1 Ionawr 2025 – 31 Rhagfyr 2025

Cynnwys gwaith:

- Bod yn greadigol
- Cyfforddus i greu cynnrych digidol
- Ysgrifennu Blogs
- InstaTakeover



- Dealltwriaeth o'r amryw o wahanol gyrsiau sydd ar gael yn rhannol Gymraeg mewn prifysgolion yng Nghymru.
- Rhannu'r cyfleoedd cyfrwng Cymraeg ar eich cwrs, a rhannu'r cyfleoedd i chi gymdeithasu trwy gyfrwng y Gymraeg gyda ni!

Cyflawni Tasgau

Yn ogystal â dysgu ac ymgyfarwyddo â gwaith a rôl y Coleg Cymraeg Cenedlaethol, yn enwedig y cynllun Ysgoloriaethau a'r chwilotodd cyrsiau

byddwn yn disgwyl i chi rannu eich profiadau o addysg Gymraeg ac astudio yng Nghymru! Rhaid i bawb gyflawni'r canlynol dros y flwyddyn:

- Mynychu cwrs hyfforddiant llysgennad y Coleg Cymraeg
- Llunio atebion i'n holiadur i'w allu rhoi ar y cyfryngau cymdeithasol
- Rhannu cynnwys y Coleg Cymraeg Cenedlaethol ar y cyfryngau cymdeithasol – yn RHEOLAIDD.
- Ymateb i geisiadau e-bost/galwadau ffôn/WhatsApp gan y Coleg o fewn 48 awr
- Prydlondeb cyflwyno tasgau ar gais y Coleg
- Bod yn barod i fod yn rhan o ddigwyddiadau marchnata'r Coleg Cymraeg megis Eisteddfodau, Ffeiriau UCAS, Ymweliadau Ysgolion, Tafwyl a llawer mwy.
- Cyfrannu at unrhyw dasgau/cyfleoedd eraill all godi dros y flwyddyn

Cyfryngau Cymdeithasol, Blogio a chreu cynnwys

Mae'r Coleg yn rhannu blogs, cynnwys fideo ac amryw o wahanol gynnwys eraill ar ein cyfryngau cymdeithasol. I ddechrau, byddwn yn rhannu cyflwyniad a phroffil o'r llysgenhadon newydd ar gyfer 2025 ar ein cyfryngau.

Os oes gyda chi unrhyw syniadau am gynnwys yr hoffech chi ei greu mae croeso mawr i chi rannu eich syniadau gyda Mabon Dafydd sydd yn cydlynu'r cynllun llysgenhadon. Mae hefyd croeso i chi ofyn ar unrhyw bryd am gymorth neu arweiniad ar gyfer gwahanol gynnwys.

Rydym yn eich annog i gadw fyny gyda'r trends byd-eang amrywiol sydd ar y cyfryngau, croeso i chi gyflwyno syniadau am memes sydd yn berthnasol i fywyd myfyriwr yng Nghymru.

Pwrpas y cynnwys: Blas a throsolwg o fywyd myfyriwr Cymraeg mewn prifysgol wrth astudio a chymdeithasu – ac annog darpar fyfyrwyr i astudio rhan o’u cwrs trwy gyfrwng y Gymraeg. Dylent roi darlun cadarnhaol o astudio a chymdeithasu trwy gyfrwng y Gymraeg yn y brifysgol mewn ffordd **ysgafn a naturiol**. Y chweched dosbarth, myfyrwyr a phobl ifanc ydy’r gynulleidfa darged.

Pwyntiau Pwysig

Cydbwysedd

Cofiwch fod angen cydbwysedd rhwng astudio a chymdeithasu yn eich cynnwys!

Cadw eich hun yn ddiogel

Peidiwch â phostio gwybodaeth ynghylch ble rydych chi’n byw, rhif eich ystafell, ffôn symudol, ac ati!

Os oes rhywun sy’n dilyn eich blog yn gwneud i chi deimlo’n anghyfforddus a / neu yn gwneud sylwadau amhriodol cofiwch gysylltu gyda ni.

Testun

Gofal! Nid ydym am weld cynnwys sy’n sarhaus, yn cynrychioli neu’n goddef torri’r gyfraith neu fel arall mewn perygl o ddod â’r Coleg i anfri. Nid yw hyn yn faes lle mae modd gosod allan rheolau pendant i’w dilyn – rydym yn dibynnu ar eich synnwyr cyffredin, uniondeb a barn. Bydd cynnwys amhriodol, wrth gwrs, yn cael ei ddileu a’r Coleg yn cael sgwrs gyda’r unigolyn hynny.

Ni ddylid ysgrifennu mwy na 500 gair mewn 1 blog. Cadwch eich brawddegau a’ch paragraffau yn fyr – dim mwy na 3 neu 4 llinell ym mhob un.

Lluniau a fideos

Hoffem i bawb greu neu fod yn rhan mewn o leiaf 1 gynnwys fideo yn ystod y flwyddyn.

Ceisiwch lwytho lluniau a fideos hyd yn oed os ydych yn ysgrifennu blog er mwyn osgoi gormod o destun ysgrifenedig.

Wrth greu fideo, ceisiwch gadw’r cynnwys yn gryno, gan fod fideos byr a bachog yn dueddol o ddenu mwy o sylw. Byddwn yn awgrymu dim mwy na 1 munud.

Byddwch yn ofalus i beidio postio lluniau / fideos unigolion na fyddai’n dymuno cael eu gweld.

Tiktok

Eleni rydym yn bwriadu rhoi'r cyfle i 2 lysgennad brwdfrydig fod yn gyfrifol am gynnwys myfyrwyr ar tiktok y Coleg Cymraeg. Byddwn yn chwilio am gynnwys i ddenu sylw pobl ifanc ar y cyfrwng, gan greu fideos a memes hwyliog a chadw fyny gyda'r 'trends' diweddaraf er mwyn denu mwy o ddilynwyr a sicrhau ymgysylltiad cryf.

Yn eich cais, mae croeso i chi ddatgan eich bod yn awyddus i fod yn gyfrifol am Tiktok y Coleg Cymraeg, a pam mai chi fyddai'r ymgeisydd delfrydol ar gyfer y rôl yma.

Cywirdeb Iaith

Ceisiwch wirio eich Cymraeg cyn creu cynnwys gan ddefnyddio Cysill/CysGair os yw'n ysgrifenedig. Neu mae croeso i chi gysylltu gyda ni am unrhyw gymorth.

Cofiwch ddefnyddio eich iaith naturiol chi!!

Pynciau i greu cynnwys amdanynt

- Unrhyw ddigwyddiadau o fewn eich Undeb Myfyrwyr Cymraeg, e.e Trip rygbi, Dawns/Steddfod Rhyngol, cymdeithasu ar noson allan mewn sosial
- Byw mewn Neuadd cyfrwng Cymraeg/Tŷ
- Blas o'ch cwrs/darlith/seminar/tiwtorial trwy'r Gymraeg
- Ymweliad Ysgol
- Diwrnodau agored eich Prifysgol/adran
- Lleoliadau/Profiad gwaith (os yn berthnasol i'r cwrs)
- Tystysgrif Sgiliau Iaith
- Digwyddiadau cangen y brifysgol
- Unrhyw beth chi'n meddwl fyddai'n berthnasol

Monitro rôl / Cymorth gan y Coleg

Er mwyn sicrhau fod llysgenhadon yn cyflawni eu dyletswyddau ac at safon ddisgwyliedig bydd y coleg yn monitro eich gwasanaethau.

Byddwn yn monitro eich bod yn cyflawni'r tasgau sy'n ofynnol ac os nad ydyn ni'n hapus gydag ymrwymiad y llysgennad ac yn methu cyflawni'r dyletswyddau yn ddigonol neu yn profi i fod yn anghyfrifol. Byddwn yn cadw'r hawl i ddod â'r cytundeb i derfyn yn ddisymwth, a heb gyfnod rhybudd.

Prif Gyswilt

Eich prif gyswilt yn ystod y flwyddyn ydy Mabon Dafydd. Cysylltwch gydag ef drwy e-bost, tecst, ffonio neu drwy WhatsApp. Cewch ddanfon unrhyw syniadau neu gynnwys yr hoffech chi i'w rannu ar ein tudalennau cymdeithasol ato.



E-bost: m.dafydd@colegcymraeg.ac.uk

Rhif Ffôn symudol gwaith: 07891 544363

Ar gael i roi cymorth i chi, byddwn yn ymateb i'ch cais cgaph. Os ydych yn cael trafferth gydag unrhyw beth mae'n bwysig eich bod yn rhoi gwybod i ni.

Digwyddiadau a dyddiadau pwysig

Cwrs hyfforddiant

Eisteddfod Yr Urdd Dur a Môr 2025: 26-31 Mai

Eisteddfod Genedlaethol Wrecsam: 2-9 Awst

Tafwyl: 14-15 Mehefin

Bydd cyfle i chi fod yn rhan o'r criw staffio ar stondin y Coleg yn y digwyddiadau yma. Gyda hefyd cyfle i fynd o amgylch y maes yn creu cynnwys.

Digwyddiadau Eraill

Byddwn yn cysylltu gyda chi i roi gwybod am ddigwyddiadau neu ddyddiadau arall fel ymweliadau ysgolion, ffeiriau UCAS etc. Fel rhan o'ch rôl, mae disgwyl i chi fod yn barod i gymryd rhan yn yr amryw ddigwyddiadau yma.

Tynnu llun

Fel rhan o broses hyrwyddo llysgenhadon y Coleg, Rhaid i ni dderbyn llun ohonoch yn syth ar ôl i chi dderbyn hwdi neu grys-t y Coleg Cymraeg!

Gwisg

Bydd hwdi a chrys-t y Coleg Cymraeg yn cael ei ddanfôn atoch, a disgwylir i chi wisgo un o'r rhain mewn unrhyw ddigwyddiad sy'n ymwneud â'r Coleg. Sicrhewch eich bod yn gofalu amdanynt.

Costau

Ble fydd gofyn i chi deithio i weithio trwy fath o drafnidiaeth e.e car, bws, trê'n. Bydd Mabon yn darparu ffurflen costau teithio i chi ei lenwi a'i ddychwelyd ato.

Bydd y ffurflen yn gofyn i chi lenwi'r manylion yma i mewn:

- Dyddiad y daith
- Manylion o le i le e.e. (Cyfeiriad Prifysgol i Ysgol ...)
- Bwriad y daith, ac amseroedd dechrau a dychwelyd e.e. ymweliad ysgol, Dechrau: 12:00, Dychwelyd 15:30.
- Nifer y milltiroedd (os yn teithio mewn car), dylid rhoi costau bws neu drên yng ngholofn C.

Telir cynhaliaeth resymol yn unol â'r rheoliadau. Fe fydd rhaid anfon derbynebâu gyda'r cais. Byddwch yn cael eich talu yn fisol am eich costau cynhaliaeth a theithio.

Cyhoeddusrwydd a Lluniau

Cymryd rhan mewn cyfweiliadau:

Os ydych yn cael cynnig cyfweiliad gan y cyfryngau am eich rôl fel llysgennad neu unrhyw beth sy'n berthnasol â'r brifysgol neu eich astudiaethau, cofiwch roi gwybod i'r Coleg am y cyfweiliad o flaenllaw.

Mae'n hanfodol ein bod yn gwybod am unrhyw gyfweiliadau, gan y bydd hyn yn gyfle i ni hysbysebu ar ein gwefan ac ar y cyfryngau cymdeithasol. Bydd hefyd yn gymorth i ni wrth fonitro unrhyw sylw gaiff y Coleg. Gallwn hefyd roi cyngor ar gynnwys y cyfweiliad os oes angen.

Os yw'r Coleg yn cysylltu yn gofyn i chi gymryd rhan mewn cyfweiliad, mae'n holl bwysig eich bod yn ymateb i'r cais ar e-bost neu ffôn **cyn gynted â phosib** er mwyn hwyluso'r trefniadau.

Os oes gwybodaeth neu erthygl yn eich papurau bro lleol neu unrhyw gyfrwng am eich rôl fel llysgennad, a wnewch chi gysylltu â'r Coleg i nodi hynny i ni wirio fod y wybodaeth yn gywir, ac hefyd gyrrwch lun o'r stori i ni allu rhannu ar y cyfryngau cymdeithasol.

Safon Lluniau

Gwnewch yn siŵr eich bod yn danfon lluniau o'r ansawdd uchaf posib atom er mwyn postio ar y cyfryngau cymdeithasol neu'r wefan. Nid yw lluniau ansawdd isel neu 'screenshot' yn edrych yn dda o ran delwedd.

Rydw i wedi darllen y ddogfen hon ac yn deall gofynion y tasgau ar gyfer fy rôl fel Llysgennad ar gyfer y Coleg Cymraeg Cenedlaethol.

Llofnod: _____

Dyddiad: _____